

poŝtkartoj. ~e. Rilate al : ti skribis al mi, ~e tiun aferon ; ili sidis, plenkreskuloj k tamen infanoj ~e siun koron Z. Kp PRI.

**Koncerto.** 1 Muzika kunveno, dum kiu oni ludas plurajn kantaĵojn aŭ instrumentajn komponaĵojn : ludi, doni ~on ; (f) eĉ la senprudentaj birdoj muzikas sian ĉielan ~on Z. 2 (f) Akordo de opinioj aŭ ideoj : oni aŭdas nur ~on de la ŭndoj pri li ; la Eŭropa ~o havas kiel bazon la akordigon de Germanujo k Francujo ; aŭdigi sian voĉon en la Eŭropa ~o. ~1 (ntr). Fari ~on. ~kafejo. Ejo, kie oni povas trinki, aŭskultante ~on (Kp VARIETEO).

**koncesii** Z (tr). Oficiale tutcedi, leĝe forlasi al iu la liberan disponon pri io : ~i fervojon, minejon, leron en kolonio ; tiajn privilegiojn oni ~as malfacile (Kp REZIGNI). ~o Z £ ٤٤. Privilegio, rajto donita de ŝtato por ekspluati ion : por vendi tabakon aŭ alkoholon oni bezonas en preskaŭ ĉiuj ŝtatoj ~on.

**koncilio** (K). Episkopa kunveno, por solvi demandojn pri dogmo k disciplino.

**koncipi** (tr). Forni en si post fekundigo la germon de vivanta estaĵo ; naskotiĝi, embriigi, filigi : laŭ la katolika dogmo, la Dipatrino estis ~ita senpeke.

**Konclza.** Esprimanta la ideojn per plej malmultaj vortoj : ~a stilo, verkisto, lingvo, raporto. Kp LAKONA. ~eco. Eco, kiu konsistas en la forlaso de ĉio, kio ne estas utila por la senco.

\* **Kondamni** (tr). 1 Juĝe deklari iun kulpita k difini la merititan punon : ~i ian al monpuno, al morto Z, al la juĝokostoj ; (f) mi estas ~ita (nepre devigita) tongan tempon vagadi en la nokto Z ; (f) mi estis ~ita de la malsano resti du semajnojn en la lito ; (f) ĉiuj niaj tiucelaj projektoj estas ~itaj al malsakceso ; (f) viaj kalkuloj estas ~itaj al malĝusteeco (neeviteble, nepre malĝustaj). Kp VERDIKTI. 2 Jure deklari ion sufiĉa motivo, por ke la farinto estu leĝe punata : ~i malbonan libron ; la kodo ~as la malveran deŝton ; estas agoj, kiujn la moralo ~as, sed kiujn ne ~as la leĝo. 3 Deklari iun malprava, ion riproĉinda : ne aŭskultinte ne ~u Z ; ~i projekton, parolon malican ; vi ~as vin mem per tia konfeso ; lia doktrino estas ~ita de la faktoj, de siaj konsekvencoj. Mal~i Z. Absolvi.

**kondensatoro.** 1 < Aparato konsistanta el du tutoj de kondukiloj generale plataj, izolitaj unu de la alia per dielektriko, k uzata por kuncentrigi elektron. 2 < Simpla aŭ duobla lenso, per kiu oni konverĝigas la lumon sur malgrandan surfacon.

**Kondicionalo** (G). Verba modo, esprimanta agon, kies plenumo dependas de ia kondiĉo, aŭ estas nur probabla : la ~o finiĝas en esp-o per us.

\* **Kondiĉo.** 1 Ekstera cirkonstanco, al kiu persono aŭ objekto estas submetata, k de kiu dependas lia aŭ ĝia stato : la viv~oj multe plibonigiĝis ; la ekonomiaj ~oj ludas grandan rolon en la sociaj rilatoj ; esti en bonaj, malbonaj ~oj por labori, verki, instruiĝi ; vegetaĵo melilu al favoraj ~oj de temperaturo. 2 Cirkonstanco, fakto, de kiu dependas la efektiviĝo de io : la unuenco estas la ĉefa ~o de nia sakceso ; fari el io la unan ~on de io Z ; la ~oj de bona regado ; plenumi la ~ojn postulatajn por konkarsi ; la ~oj (donitaĵoj) de problemo. 3 Deviga interkonsentita aranĝo, de kies respekto dependas la valideco de kontrakto : diskuti la ~ojn de afero, de kapitulado ; trudi, suferi severajn ~ojn ; meti siajn ~ojn al io ; meti la ~on, ke ...u Z. Kp PREMISO. ~a. 1 Dependanta de ~o : ~a promeso B, uĉeto. 2 Interkonsentita, konvencia : la oferoj estu enportataj ne sub iliu nomo, sed sub iaj ~aj literoj aŭ signoj Z ; la lingvo internacia prezentas pure ~an rimedon de reciproka komunikigado Z. 3 Esprimanta ~on : ~a modo (kondicionalo). ~e, ke. Kun tiu ~o, ke... : mi venos, ~e ke la vetero estus bela B ; ~e ke ...u Z (Kp SE). ~1 (tr). 1 (iu). Meti kiel ~on en kontrakto, trudi kiel ~on : la arbitracio povas esti petala, aŭ ~ita per antaŭa traktato. 2 (io) Kuntroni, sekvigi kiel ~on : la aliĝo al la socio ~as la akcepton de ĝiaj statutoj. Sen~a. Neptra, absoluta.

\* **Kondolenci** (x). Esprimi sian simpatiaĵon al iu k sian malĝojon pro ties malfeliĉo aŭ funebro : ~i la vidvinon B, al vidvino. Kp KOMPATI. ~o. Malĝoja simpatio pro ies malfeliĉo aŭ funebro : prezenti, esprimi al iu sian sinceran ~on.

**Kondoro.** Amerika vulturo (vultur gryphus).